

Ovddidan- ja biraslávdegoddi

Áigi 19.08.2026 dmu 16:00 -**Báiki** Teams-heivehus**Čoahkkinaššit**

Ášši	Bajilčála	Siidu
52	Čoahkkima lágalašvuohta ja mearridanváldi	3
53	Beavdegirjji dárkkisteaddjiid válljen	4
54	Čoahkkima bargoortnega dohkkeheapmi	5
55	Ruhta- ja eará dili birra oanehaččat	6
56	Áššit diehtun	7
57	Ohcejoga gieldda ođđa huksenortnet	8
58	Viessosadjehaddema dárkkisteapmi	12
59	Ohcejoga gieldda viessosajiid vuovdineavttut	15
60	Beanapárka Gáregasnjárgii	21
61	Ailigasjängäntie 122, Gáregasnjárga biokompostorviidodaga visttiid vuovdin	23
62	Bázahusfuolahusrehkega eretgeassin luopmoviesus	24
63	Gieldda eallinfámolašvuoda EAKR-projeaktaohcamuša válmmaštallan	25
64	Cealkámuš turistavearroláhkaevttohusa birra	27
65	Cealkámuš gieldda vuodđobálvalusaid stáhtaossodaga guoski ráđđehusa láhkaevttohusa birra	28

Oasseváldit

Mielde	Namma	Doaibma
	Lukkari Sammol	ságadoalli
	Tapiola Uula	várreságadoalli
	Guttorm Irene	lahttu
	Konttinen Pirjo	lahttu
	Koskenniemi Mika	lahttu
	Laiti Niila	lahttu
	Ahlakorpi Anni	lahttu
Eará	Tieva-Niittyvuopio Vuokko	gielddaráđđehusa sd
	Hekkanen Eemeli	Gielddaráđđehusa ovddasteaddji
	Kontio Päivi	Gielddahoavda
	Keskitalo Heidi	Beavdegirjedoalli
	Länsman Juhán	Teknikkalaš čálli
	Ruotsalainen Veli-Matti	ovddidanhoavda
	Orti-Berg Riitta	tulka

52

Čoahkkima lágalašvuohta ja mearridanváldi

Ovbillg 19.08.2026

Mearrádusevttohus Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddálaš.

Mearrádus

53

Beavdegirjji dárkkisteaddjiid válljen

Ovbillg 19.08.2026

Mearrádusevttohus Válljet čoahkkimii guokte beavdegirjedárkkisteaddji.

Mearrádus

54

Čoahkkima bargoortnega dohkkeheapmi

Ovbillg 19.08.2026

Mearrádusevttohus Lávdegoddi dohkkeha áššiid giedahallanortnega čoahkkima áššelisttu mielde.

Mearrádus

.

55

Ruhta- ja eará dili birra oanehaččat

Ovbilg 19.08.2026

Ovddidanhoavda muitala ruhta- ja eará dili birra oanehaččat.

Mearrádusevttohus

Merkejuvvo diehtun.

Mearrádus

56

Áššit diehtun

Ovbillg 19.08.2026

Mearrádusevttohus

Lávdegoddi merke ahte lea ožžon diehtun čuovvovaš
áššebáhpárid:

Mearrádus

57

Ohcejoga gieldda ođđa huksenortnet

ealteknlg 06.08.2024 § 65

Ohcejoga gieldda dálá huksenortnet lea bohtán fápmui 31.10.2013. Ođđa lánkaásaheami váikkuhusaid lassin lea dárbu geahčadit dálá huksenortnega mearrádusaid doalvuma ođđa huksenortnegii lánkaásaheami rámaid mielde. Fámolaš huksenortnega sisdoalus buorrin fuomášuvvon geavadat geavahuvvojit heivvolaš osiid mielde vuodđun ođđa huksenortnegii. Huksenortnet válmmaštallo ovdal go huksenláhka bohtá fápmui.

Danin oassálastin- ja gulahallanmeannudeamit gevvovuvvojit eanageavahan- ja huksenlága njuolggadusaid mielde 1.1.2025 rádjái. Huksenortnet ođđa huksenlága mielde galgá leat fámus manjimustá 1.1.2027 (RakL 28 §).

Ođđa huksenortnegiin buhttejuvvo 31.10.2013 fápmui bohtán Ohcejoga gieldda huksenortnet.

Áššemeannudeaddji	Huksendárkkisteaddji Markku Porsanger
Mearrádusevttohus	Eallinfápmo- ja tehnikkalaš lándegoddi dohkkeha oassálastin- ja árvvoštallanplána, mii lea lassemateriálan. Lándegoddi evttoha dan ain gielddaráđđehussii dohkkehanláhka ja bidjanláhka albmosii.
Mearrádus	Huksendárkkisteaddji mearrádusevttohus dohkkehuvvui.

Gr 13.09.2024 § 119

Áššemeannudeaddji	Gielddahoavda Kontio Päivi
Mearrádusevttohus	Gielddaráđđehus dohkkeha ja bidjá albmosii oassálastin- ja árvvoštallanplána, mii lea siidomateriálan, lándegotti evttohusa mielde.
Mearrádus	Evttohus dohkkehuvvui.

ealteknlg 30.01.2025 § 9

Eanageavahan- ja huksenláhka lea báhcimin eret anus. Dán buhtte Huksenláhka ja Guovlluideavahanláhka. Huksenláhka (RakL) lea

bohtán fápmui 1.1.2025. Ásahusat eai leat velá gárvásat. Guovlluideavahanláhka lea barggu vuolde.

Áššemeannudeaddji

Gielddainšenevra Oikarainen Tapio

Mearrádusevttohus

Eallinfápmo- ja teknikkalaš lávdegoddi namuha lávdegotti lahtuid joavkkus bargojoavkku, masa gullá maid gieldda huksendárkkisteaddji. Bargojoavku, válmmaštallagohtá ođđa huksenortnega ja huksengohcinmávssuid. Ođđa huksenmearrádusat ja mávssut buktojit lávdegotti ja gielddaráđđehusa bokte miessemánu gielddastivrii dohkkehanláhkai nu ahte dat bohtet fápmui 1.7.2025.

Mearrádus

Bargojoavkui nammaduvvojedje Mika Aikio, Mika Koskenniemi, Sammol Lukkari, Kirsi-Marja Wargh, vd. huksendárkkisteaddji Tapio Oikarainen, eallinfápmohoavda Tanja Lepistö, vd. giddodathoavda Päivi Kontio, Heidi Keskitalo ja Juhán Länsman. Vs. gielddainšenevra/ vd. huksendárkkisteaddji Tapio Oikarainen bovde bargojoavkku čoahkkái.

Ovbilg 28.05.2026 § 47

Válmmaštalli

Huksendárkkisteaddji Kiemunki Joni

Ohcejoga Eallinfápmo- ja teknikkalaš lávdegoddi lea mearridan (ealteklg 06.08.2024 § 65) álggahit ođđa huksenortnega ráhkadeami dálá huksenlága mielde. Huksenlága (RakL) 28 § mielde huksenortnet galgá leat rievdaduvvon huksenlága mielde 1.1.2027 rádjai. Ođđa huksenortnega válmmaštallama várás Eallinfápmo- ja teknikkalaš lávdegoddi lea nammadan bargojoavkku (ealteklg 30.01.2025 § 9).

Bargojoavku lea válmmaštallan ođđa huksenortnega hápmosa, mii lea válmmaštallon vástidit huksenlága mearrádusaid, dulkomiid ja njuolggadusaid. Hápmosa válmmaštallama doarjjan lea geavahuvvon Gieldalihtu ráhkadan ráhkadusortnet málle sihke ávkkástallon ovddeš ráhkadusortnegis (dohkkehuvvon váldostivrras 25.5.2010 § 23) buorin ja doaibmin vásihuvvon dulkojumiid ja mearrádusat. Dasa lassin huksenortnega ráhkadeapmái laktáseaddji oassálastin- ja árvvoštallanplánii (ealteklg 06.08.2024 § 65 ja Gr 13.09.2024 § 119) leat beaiváduvvon vástidit huksenortnega ráhkadeami áigetávvala, osolaččaid, gullamiid ja cealkámušaid viidodaga sihke láchkačujuhusaid.

Ođđa huksenortnega hápmosis leat muhtin rievdadusat ovddit huksenortnega ee. ráhkadeami, huksenvuoigatvuođa ja huksensaji uhcimuvviidodaga ektui. Dehálamos nuppástusat leat čohkkejuvvon

siidomateriálan. Fuopmáššanveara ođđa huksenortnegis lea maid dat, ahte Huksenlága, RakL 17 § mielde huksenortnega mearrádusa ii oaččo heivehit, jos oppalaš- dahje sajádatlávas dahje Suoma huksenmearrádusčoakkáldagas almmustahtton mearrádusas mearriduvvo áššis nuppeláhkai.

Huksenortnega hápmosis ožžojuvvon cealkámušaid ja oaiviliid maŋŋil bargojoavku válmmaštallá evttohusa ođđa huksenortnegis Huksenlága, RakL 19 § mielde. Ođđa huksenortnega dohkkeha váldostivra.

Áššemeannudeaddji Ovddidanhoavda Ruotsalainen Veli-Matti

Mearrádusevttohus Ovddidan- ja biraslávdegoddi bidjá huksenortnet hápmosa oaidninláhkai 30 beaivvi áigái ja evttoha gielddaráđđehussii beaiváduvvon oassálastin - ja árvvoštallanplána dohkkeheami. Huksenortnega hápmosa oaivilat ja cealkámušat bivdojuvvojit beaiváduvvon oassálastin- ja árvvoštallanplána mielde.

Mearrádus Huksendárkkisteaddji Joni Kiemunki ovdanbuvttii Ohcejoga gieldda ođđa huksenortnethápmosa ja ovddit huksenortnega dehálamos nuppástusaid. Uula Tapiola evttohii, ahte huksenortnethápmosa 4.9 § ealliid sujiid ja -gárddiid báikkit čuoggái lasihuvvo ahte beanagárddit galget leat unnimusat 10 kilomehtera geažis sajádatlávvguovllu rájis. Uula Tapiola evttohus ii guottihuvvon.

Mearrádusevttohus dohkkehuvvui.

Gr 08.06.2026 § 94
19/10.03.00.00/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha beaiváduvvon oassálastin- ja árvvoštallanplána.

Mearrádus Evttohus dohkkehuvvui.

Ovbilg 19.08.2026
19/10.03.00.00/2024

Válmmaštalli Huksendárkkisteaddji Kiemunki Joni

Ohcejoga gieldda ođđa huksenortnega hámus leamašan oaidninláhkai ja cealkinláhkai 1.7.-7.8.2026 dohkkehuvvon oassálastin- ja árvvoštallanplána mielde. Oaidnimassii orrumis lea

gulahuvvon internehtas gieldda ruoktosiidduin sihke Inarilainen-aviissas. Oaidnináigge gielddaolbmui ja eará oasálaččain leamašan vejolašvuohta ovdanbuktit iežaset oaivila huksenortnega hápmosis. Cealkámuš hápmosa birra lea bivdojuvvon Anára gielddas, Lohpe- ja bearráigeahččodoaimmahagas (Lupa- ja valvontavirasto), Lappi eallinfápmoguovddášis (Lapin elinvoimakeskus), Lappi lihtus, Sámemusea Siiddas, Sámedikkis, Lappi gádjunlágádusas, gieldda birassuodjalaneiseválddis, gieldda dearvvasvuodasuodjalaneiseválddis, Tunturiverkko Oy:s, Inarin Lapin Vesi Oy:s, Inergia Oy:s, Fingrid Oyj:s, bálgosiid ovttastusas sihke eanamihitidanlágádusas.

Bohtán cealkámušaid ja oaiviliid vuodul bargujoavku lea dahkan dárbblaš nuppástusaid ja válmmaštallan evttohusa ođđa huksenortnegis. Cealkámušaide ja oaiviliidda leat lassin gárvvistuvvon ja čohkkejuvvon vástagat.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi bidjá huksenortnega evttohusa oaidninláhka 30 beaivvi áigodahkii oassálastin- ja árvvoštallanplána mielde.

Mearrádus

58

Viessosadjehaddema dárkkisteapmi

Ovbillg 28.05.2026 § 51

Válmmaštalli

Ovddidanhoavda Veli-Matti Ruotsalainen

Váldostivra § 48 30.09.2024 lea mearridan eanahaddema prinsihpain. Vai eanagávpi/viessosadjegávpi vuolgáši buorebut johtui, de livččii buorre viiddidit haddenprinsihpaid guoskat maiddái eará eanavuovdima gávppašánvugiid go dušše árbevirolaš eanavuovdima. Gielddas leat boahtán ovdan vuovdit muhtin viessosajiid omd. almmolaš čuorvvasgávppi bokte.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi evttoha gielddaráđđehussii ja ain váldostivrii, ahte mearrádussii § 48 30.9.2024 lasihuvvo, ahte " gielddaráđđehus sáhtá dáhpháhusa mielde dohkkehit eatnama vuovdima maiddái eará almmolaš gávppašemiin go árbevirolaš viessosaji vuovdimiin, omd. almmolaš čuorvvasgávppiin."

Mearrádus

Oskari Kontio máhcai čoahkkimii dán ášši giedahallama áigge dii 14:15. Uula Tapiola eavttuhii ahte viessosajit, maid rádjii lea čázádagas, haddemearrideami ollislašhaddi bajiduvvo 20 %. Niila Laiti ja Sammol Lukkari guottiheigga Uula Tapiola evttohusa. Niila Laiti evttohui, ahte jos gielddaráđđehus sáhtá guđege dáhpháhusa mielde dohkkehit eatnama vuovdima maiddái eará almmolaš gávppašemiin go árbevirolaš viessosaji vuovdimiin, omd. almmolaš čuorvvasgávppiin, de dalle čuorvvasgávppiin vuovdujvvo viessosajiide galget gávpeeavttut maid giedahallot dáhpháhusa mielde. Uula Tapiola ja Sammol Lukkari guottiheigga Niila Laiti evttohusa.

Mearrádusevttohus dohkkehuvvui ovddabeale lasáhusaiguin.

Gr 08.06.2026 § 96
15/10.00.00/2024

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkeheami várás, ahte váldostivrra mearrádussii 30.9.2024 § 48 Ohcejoga sajádatlávaguovllu eatnama vuovdima ja láigoheami haddenprinsihpat lasihuvvo, ahte "gielddaráđđehus sáhtá dáhpháhusa mielde dohkkehit eatnama vuovdima maiddái eará

almmolaš gávppiin go árbevirolaš viessosaji vuovdimiin, omd. almmolaš čuorvvasgávppiin. Viessosajit mat vuvdojit čuorvvasgávppiin, galgá maid gávppéeavttuid gieđahallat dáhphusa mielde. Viessosajit mat rádjašuvvet čázádagaide, daid obbahaddi bajiduvvo 20%:in".

Mearrádus

Vesa Länsman evttohii, ahte ášši máhcahuvvo válmmaštallamii ja dárkkálmahttit osiid, maid sáhtta dulkot rahpasit. Ságadoalli guottihii Vesa Länsman evttohusa. Evttohus dohkkehuvvui ovttamielalaččat.

Boddu dii. 19.10-19.15. Bottu manjá ságadoalli čadahii nammačuorvuma ja gávnnahii, ahte čoahkkimis leat mielde seamma olbmot go álgosaš nammačuorvumis.

Ovbilg 19.08.2026
15/10.00.00/2024

Válmmaštalli

Ovddidanhoavda Veli-Matti Ruotsalainen

Váldostivra dohkkehii 30.9.2024 § 48 Ohcejoga sajádatlávvejuvvon guovllu eatnama vuovdima ja láigoheami haddenprinsihpaid. Mearrádusa mielde ovdamearkka dihte dálloviessosajiid haddi lea 2,90 €/m² ja eará viessosadjetiippaid hattit mearrašuvvet geavahanulbmila ja huksenvuoigatvuođa vuodul. Jahkeláigu lea 6 proseantta viessosaji vuovdinhattis ja dat čadnojuvvo birgengolloindeksii.

Ovddidan- ja biraslávdegoddi gieđahalai 28.5.2026 § 51 haddenprinsihpaid dievasmahttima nu, ahte gielda sáhtášii luohpadit ovttaskas viessosajiid maid eará almmolaš vuovdinmeannudeami, nugomat almmolaš čuorvvasgávppi, bokte. Lávdegoddi lasihii evttohussii maiddái dan, ahte čuorvvasgávppiin vuovdinláhkai viessosajiid gávppéeavttut gieđahallojit dáhphusa mielde ja čázádahkii rádjašuvvi viessosajiid olleshaddi bajiduvvo 20 proseanttain. Gielddaráđdehus gieđahalai ášši 8.6.2026 § 96 ja máhcahii dan ovttamielalaččat ođđasit válmmaštallamii tulkonvuloš čuoggáid dárkkálmahttima várás.

Eanapolitihkalaš prográmma dahká vejolažžan juo avádat-, guovlo- ja viessosadjeguovdasaš haddema. Prográmmas mánnašuvvo viessosaji hatti bajideaddji dahkkin earet eará sajádat gáttis sihke eahpedábálaš oainnus dahje eanadat. Nappo čázádahkii rádjašuvvi viessosaji alladut haddi ii leat ruossalasas eanapolitihkalaš prográmmain.

Hálddahušnjuolggadusa 66 § mielde gieldda opmodaga luohpadeamis ja láigoheamis mearrida gielddaráđdehus váldostivrra dohkkehan vuodustusaid mielde, ja gielddaráđdehus sáhtta sirdit

doaibmaválddis ovddosguvlui. Almmolaš čuorvvasgávppi dahje eará fáldatmeannudeami geavaheami sáhtá nappo lasihit váldostivrra nannen oppalaš hadden- ja luohpadanprinsihpaide ja guođđit ovttaskas meannudeami álgui bidjama gielddaráđdehusa guorahallama vuollái.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida evttohit gielddaráđdehussii ja ain váldostivrii, ahte váldostivrra 30.9.2024 § 48 dohkkehan Ohcejoga sajádatlávvejuvvon guovllu eatnama vuovdima ja láigoheami haddenprinsihpat dárkkálmahttojit čuovvovaš vuogi mielde.

Gielddaráđdehus sáhtá dáhpáhusa mielde mearridit ovttaskas viessosaji dahje viessosadjejoavkku luohpadeamis almmolaš fáldatmeannudemiin, čuorvvasgávppiin, elektrovnnalaš vuodu geavahemiin dahje eará rabas ja objektiiva meannudemiin.

Luohpadeami uhcimushaddi dahje eará hatti mearrašuvvanágga sihke guovddáš gávpeeavttut mearriduvvojit ovdal go meannudeapmi álggahuvvo.

Čázadahkii rádjašuvvi viessosaji fámusorru haddenvuodustusaid mieldásaš olleshaddi bajiduvvo 20 proseanttain. Čázadahkii rádjašuvvi viessosajiin oaivvilduvvo viessosadi, man giddodatrádjá rádjašuvvá čáhcegáddái.

Mearrádus

59

Ohcejoga gieldda viessosajiid vuovdineavttut

Ovbilg 28.05.2026 § 50

Válmmaštalli

Ovddidanhoavda, Veli-Matti Ruotsalainen

Ohcejoga gielddas lea gárvvásmuvvan Gáregasnjárgga gillái ja Ohcejoga girkosiidii sajádatlávva. Dán ráhkaduvvon sajádatlávvi leat lávvejuvvon Ohcejoga gieldda oamastan viessosajit. Oassi dán gieldda guoros viessosajiin leat buorre huksenbáikkis, ja dáid viessosajiid várrema ja oastima leat olbmot diđoštallan gielddas. Viessosajit leat AP = ássansmávuviesuid koartilguovllut, AO = sierrasmávuviesuid koartilguovllut, AL = Ássan-, ealáhus- ja doaimmahatvistiid koartilguovlu ja AR = Ráidodáluid ja eará laktojuvvon ássanvistiid koartilguovllut. Gieldda friddja viessosajiin eai leat vel ráhkaduvvon čielga rávvagat gielddalaččaide ja earáide friddja huksensajiin beroštuvvan olbmuide. Huksengeatnegasvuođasge ii leat linnjejuvvon sierra.

Sihkkarastin dihte ahte viessosajit láigohuvvojit ja vuvdojuvvojit čađačuovgi vuogi mielde boahtteáiggis, de ferte áššis dahkat formálalaš mearrádusa. Sajádatlávvejuvvon guovllu viessosajiid várren dáhpáhuvvá "jođánortnetvuoru" mielde, várrenáigi lea jahkebeali ja várrenmáksu lea bealli (1/2) gustojeaddji jahkeláiggus. Jos seamma viessosajis leat beroštuvvan guokte dahje eanet eará oasti, de ferte čađahit vuorbádeami oastiid gaska.

Dasa lassin Anára gielddas leat ánus čuovvovaš eavttut, mat livčče heiveheamis maiddá Ohcejoga gildii:

1. huksengeatnegasvuohta guoská buot gieldda addin viessosajiid
2. huksengeatnegasvuohta álgá go láigo- dahje oastinsoahpamuš lea vuolláičállon.
3. huksengeatnegasvuohta lea 80 k-m² bearašviessoeanasajiin, das galgá leat unnimusat okta viessu váldoatnui.
4. huksengáibádus lea eará gieldda addin viessosajiin 50 % sajádatlávvguovllus, oktan unnimusat váldoatnui heivvolaš visttiin
5. huksen galgá álggahuvvot 2 jagis siste luobahanáššegirjji vuolláičállimis ja huksen gearggahuvvot huksenlobi fámus orrun áiggis.
6. huksekeahtes huksensaji luobaheami várás galgá leat gieldda miehtan.
7. oastis lea vuoigatvuođa vuovdit viessosaji ruovttoluotta gildii álgovuolggalaš gávppašanhattiin indeaksaváikkuhusaid haga geatnegahttináiggis. Eará šaddan golut eai buhtaduvvo (laigun, vearut jed.)
8. soahpamušsáhku lea duppalaston gávpehaddi.

Áššemeannudeaddji	Ovddidanhoavda, Ruotsalainen Veli-Matti
Mearrádusevttohus	Ovddidan- ja biraslávdegoddi evttoha gielddaráđđehussii dohkkeheami várás Ohcejoga gieldda eanasajiid vuovdima vuovdineavttut čuovvovaččat: Sajádatlávvejuvvon guovllu eanasajiid várren dáhpáhuvvá "jođánortnetvuoru" mielde, várrenáigi lea beannot jagi ja várrenmáksu lea bealli (1/2) gustojeaddji jahkeláiggus. Jos leat guokte dahje eanet oasti geain lea beroštupmi seamma viessosadjái, de ferte vuorbádeami čadahit oastiid gaskka. Dasa lassin čuovvovaš eavttut válđojuvvojit atnui Ohcejoga gielddas: 1. huksengeatnegasvuohta guoská buot gieldda addin viessosajiid. 2. Huksengeatnegasvuohta álgá go láigo- dahje oastinsoahpamuš lea vuolláičállon. 3. huksengeatnegasvuohta bearašviessoeanasajiin lea 80 km², ja das galgá leat unnimusat okta visti válđoatnui. 4. eará gieldda addin viessosajiin 50 % sajádatlávvaguvllus, mas lea unnimusat okta visti válđoatnui. 5. huksen galgá álggahuvvot 2 jagi siste go luobahanáššegirji lea vuolláičállon ja huksen gearggahuvvot huksenlobi fámus orrun áiggis 6. Huksekeahtes huksensaji luobaheapmái galgá viidasabbot leat gieldda miehtan ja huksensaji huksengeatnegasvuohta bissu ođđa eaiggádis álgovuolggalaš áigeplána mielde. 7. oastis lea vuoigatvuohta vuovdit viessosaji ruovttoluotta gildii álgovuolggalaš gávppašanhattiin indeaksaváikkuhusaid haga geatnegahttináiggis. Eará šaddan golut eai buhttejuvvo (laigen, vearut jed.) 8. soahpamušsáhkku lea duppal gávpehaddi
Mearrádus	Mearrádusevttohus dohkkehuvvui.
Gr 08.06.2026 § 95	
Áššemeannudeaddji	Gielddahoavda Kontio Päivi
Mearrádusevttohus	Gielddaráđđehus dohkkeha ja evttoha ain váldostivrii dohkkehanláhkai: Sajádatlávvejuvvon guovllu eanasajiid várren dáhpáhuvvá "jođánortnetvuoru" mielde, várrenáigi lea beannot jagi ja várrenmáksu lea bealli (1/2) gustojeaddji jahkeláiggus. Jos leat guokte dahje eanet oasti geain lea beroštupmi seamma viessosadjái, de ferte vuorbádeami čadahit oastiid gaskka.

Dasa lassin čuovvovaš eavttut váldojit atnui Ohcejoga gielddas:

1. huksengeatnegasvuohta guoská buot gieldda addin viessosajiid.
2. huksengeatnegasvuohta álgá go láigo- dahje oastinsoahpamuš lea vuolláičállon.
3. huksengeatnegasvuohta lea 80 k-m² bearašviessoeanasajiin, das galgá leat unnimusat okta viessu váldoatnui.
4. huksengáibádus lea eará gieldda addin viessosajiin 50 % sajádatlávvaguovllus, oktan unnimusat váldoatnui heivvolaš visttiin.
5. huksen galgá álggahuvvot 2 jagi siste luobahanáššegirjji vuolláičállimis ja huksen gearggahuvvot huksenlobi fámus orrun áiggis.
6. huksekeahtes huksensaji luobaheami várás galgá leat gieldda miehtan ja huksensaji huksengeatnegasvuohta seailu huksensaji ođđa hálddašeaddjis álgovuolggalaš áigeplána mielde.
7. oastis lea vuoigatvuođa vuovdit viessosaji ruovttoluotta gildii álgovuolggalaš gávppašanhattiin indeaksaváikkuhusaid haga geatnegahttináiggis. Eará šaddan golut eai buhtaduvvo (laigun, vearut jed.).
8. soahpamušsáhkku lea duppalaston gávpehaddi.

Mearrádus

Evttohus dohkkehuvvui.

Váld 17.06.2026
15/10.00.00/2024

Mearrádusevttohus

Váldostivra dohkkeha Ohcejoga gieldda viessosajiid vuovdineavttuid čuovvovaččat:

Sajádatlávvvejuvvon guovllu dállosajiid várren dáhpáhuvvá ”johtilvuođaortnetvuoru” mielde, várrenáigi lea jahkebeali ja várrenmáksu lea bealli (1/2) gustojeaddji jahkeláiggus. Jos seamma viessosajis leat beroštuvvan uhcimustá guokte sierra oasti, de ferte čađahit vuorbádeami oastiid gaskka.

Lassin čuovvovaš eavttut váldojit atnui Ohcejoga gielddas:

1. huksengeatnegasvuohta guoská buot gieldda addin viessosajiid.
2. huksengeatnegasvuohta álgá go láigo- dahje oastinsoahpamuš lea vuolláičállon.
3. huksengeatnegasvuohta lea 80 k-m² bearašviessoeanasajiin, das galgá leat unnimusat okta viessu váldoatnui.
4. huksengáibádus lea eará gieldda addin viessosajiin 50 % sajádatlávvaguovllus, oktan unnimusat váldoatnui heivvolaš visttiin.
5. huksen galgá álggahuvvot 2 jagi siste luobahanáššegirjji vuolláičállimis ja huksen gearggahuvvot huksenlobi fámus orrun áiggis.
6. huksekeahtes huksensaji luobaheami várás galgá leat gieldda

miehtan ja huksensaji huksengeatnegasvuohta seailu huksensaji ođđa hálddašeaddjis álgovuolggalaš áigeplána mielde.

7. oastis lea vuoigatvuođa vuovdit viessosaji ruovttoluotta gildii álgovuolggalaš gávppašanhattiin indeaksaváikkuhusaid haga geatnegahttináiggis. Eará šaddan golut eai buhtaduvvo (laigun, vearut jed.).

8. soahpamušsáhku lea duppalaston gávpehaddi.

Mearrádus

Väinö Guttorm evttohii, ahte ášši máhcahuvvo válmmaštallamii. Eandalii evttohusa čuoggáid 7 ja 8 galgá čielggasmahttit. Vesa Länsman ja Sammol Lukkari guottiheigga Väinö Guttormin evttohusa. Váldostivra dohkkehii evttohusa ovttajienalaččat.

Ovbilg 19.08.2026
15/10.00.00/2024

Válmmaštalli

Ovddidanhoavda Veli-Matti Ruotsalainen

Ovddidan- ja biraslávdegoddi gieđahalai 28.5.2026 § 50 Ohcejoga gieldda viessosajiid vuovdineavttuid. Evttohusas meroštallojedje viessosajiid várrema, huksengeatnegasvuođa, huksema mearreáiggi, huksekeahtes huksensaji ovddosguvlui luohpadeami, viessosaji ruovttoluottaluohpadeami sihke soahpamušsáhku guoski eavttut.

Gielddaráđdehus dohkkehii evttohusa 8.6.2026 § 95 ja evttohii dan ain váldostivrii dohkkehanláhkai. Váldostivra gieđahalai ášši 17.6.2026 § 19 ja máhcahii dan ovtta mielalaččat ođđasit válmmaštallamii. Máhcahanmearrádusa mielde erenomážit evttohusa čuoggáid 7 ja 8 berrii čielggasmahttit. Čuoggát guske huksekeahtes viessosaji ruovttoluottaluohpadeami gildii sihke soahpamušsáhku, mii mearriduvvo huksengeatnegasvuođa healbadeamis.

Ášši ođđasit válmmaštallan lea gieldda viessosadjeluohpadeami ollesproseassas seammás fuomášuvvon viidásut dárbu čielggasmahttit ohcama, várrema, láigoheami ja vuovdima geavadiid sihke oktiiheivehit daid gieldda eanapolitihkalaš prográmmain, haddenmearrádusaiguin ja hálldahusnjuolggadusain.

Eanapolitihkalaš prográmmas huksengeatnegasvuohta lea meroštallon golmma jahkái ja viessosaji várrenáigi guovtti jahkái. Prográmmas gávnnavuvvo maid, ahte gielda sáhttá bearrat soahpamušsáhku huksengeatnegasvuođa healbadeamis, muhto soahpamušsáhku eanemusmeari guoski girjen lea báhcán áššegirjjis eret. Váldostivra lea maŋnelis 30.9.2024 § 48 mearridan guovtti jagi huksengeatnegasvuođas.

Dáid ruossalasvuodaid geažil oppa viessosadjeluohpadanproseassa rávvagiid lea buorre válmmaštallat sierra ollisvuohtan. Dál goit čovdojuvvojit váldostivrra máhcahanmearrádusa mieldásaš čuoggát, mat gusket viessosaji ruovttoluottaluohpadeami ja soahpamušsáhku.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida evttohit gielddaráđđehussii ja ain váldostivrii, ahte Ohcejoga gieldda viessosajiid vuovdineavttuid čuoggát 7 ja 8 dárkkálmahttojit ná:

7. Huksekeahtes viessosaji ruovttoluottaluohpadeapmi

Viessosaji oasti sáhtta huksengeatnegasvuoda fámusorrunáigge fállat huksekeahtes viessosaji ruovttoluotta gildii. Gielddas ii leat geatnegasvuohta oastit viessosaji ruovttoluotta.

Jos gielda mearrida viessosaji ruovttoluottaoastimis, ruovttoluottaoastinhaddi lea eanemustá álgosaš gávpehaddi almmá indeaksabajádusa. Oastái eai buhttejuvvo gávppis, ruhtadeamis, juohkimis, vearuin, plánemis, lavttain dahje eará doaibmabijuin šaddan golut. Ruovttoluottaoastimis mearrida hálddahunjuolggadusas meroštallon doaibmaválddalaš eiseváldi.

8. Soahpamušsáhku

Jos viessosaji oasti healbada huksengeatnegasvuoda almmá gieldda dohkkehan lasseáiggi dahje luohpada huksekeahtes viessosaji ovddosguvlui almmá gieldda miehtama, gielddas lea vuoigatvuohta bearrat oastis soahpamušsáhku.

Soahpamušsáhku mearri lea viessosaji álgosaš gávpehaddi. Ovdal soahpamušsáhku mearrideami oastái várrejuvvo vejolašvuohta addit čielggadusa healbadeamis. Soahpamušsáhku máksin ii luoitte oasti huksengeatnegasvuodas.

Lassin lávdegoddi mearrida geatnegahttit ovddidanhoavdda válmmaštallat sierra, čielga ja oktageardánis málle sihke rávvagiid Ohcejoga gieldda viessosajiid oppa luohpadanproseassas. Válmmaštallamis galgá oktiiheivehit uhcimustá gieldda eanapolitihkalaš prográmma, fámus orru viessosajiid haddenmearrádusaid, hálddahunjuolggadusa sihke viessosajiid ohcama, várrema, láigoheami, vuovdima ja huksengeatnegasvuoda čuovvuma guoski geavadiid.

Ášši buktojuvvo maŋnelis sierra doaibmaorgánaid giedahallamii.

Mearrádus

60

Beanapárka Gáregasnjárgii

ealteknlg 30.01.2025 § 8
2/10.03.01.02.02.00/2025

Helga Asikainen lea doaimmahan Ohcejoga gildii gieldaálgaga beanapárkka vuodđudeamis Gáregasnjárgii. Gieldaálgaga leat vuolláičállán joavku Gáregasnjárgga gili olbmot ja maiddái Gáregasnjárgga gilisearvi lea dorjon beanapárkaprošeavtta.

Álgagis evttohuvvo báiki beanapáarkii Ohcejoga gieldda giddodahkii 890-403-146-1 gilidálu ja Badjedeanogeainnu gaskii.

Áššemeannudeaddji Giddodathoavda

Mearrádusevttohus Ohcejoga gieldda Gáregasnjárgga guovddáža johtuibiddjon sajádatlávva giedahallamis dát tonte lea merkejuvvon almmolaš visttiid goartilguovlun ja ássan-, fitnodat- ja doaimmahatvisttiid goartilguovlun. Dán tonttes lea maiddái ng. ser-báiki, gosa gieldda olbmot sáhttet doalvut šleađga- ja elektronihkkabiergasiid ja maiddái váralaš bázahusaid. Sajádatlávvamarken Y (almmolaš guovlluid goartilguovlu) lea lávenmearrádusas oaivvilduvvon almmolaš visttiide ja daid doaimmaid doarjumii, nu ahte beanapárka ii leat lávenmearrádusa mielde doaibma dán guovllus. Go plánejuvvon doaibma, dán dáhpáhusas beanapárka, ii leat lávenmearrádusaid mielde de dan bidjan Y -goartilguvlui eaktuda spiehkastanlohpegiedahallama. Beanapárkka várás eai leat várrejuvvon lávemis guovllut. muhto beanapárkka sáhtta bidjat virkkosmahttinguvlui. Beanapárkka duosttáš gaska olbmuid ássanguvlui lea 50-100 mehtera. Dát gaska veahkeha geahpedit vejolaš šlápma- ja hádjagivssiid sihke sihkkarastá, ahte beanapárkka geavaheamis ii šatta hehttehus gieldda ássiide. Ohcejoga gielda čielggada ja guorahallá eará vejolaš guovlluid beanapáarkii ovtas Gáregasnjárgga gili olbmuiquin.

Mearrádus Uula Tapiola evttohii, ahte beanapárka ii huksejuvvo Gáregasnjárgii, go gieldda ekonomalaš dilli lea dákkár, baicce fuolahuvvojit eará dehálut áššit ortnegii. Uula Tapiola evttohusa eai guotthian.

Mearrádusevttohus dohkkehuvvui. Uula Tapiola guđii áššis sierraoaivila.

Dán paragráfa giedahallama maŋŋá čoahkkimis lei boddu dmu 16:20 - 16:30.

Ovbillg 19.08.2026

2/10.03.01.02.02.00/2025

Válmmaštalli

Ovddidanhoavda Veli-Matti Ruotsalainen

Gáregasnjárgga beanapárkkas bođii 13.11.2024 gildii gieldalašálgga. Dán álgaga vuodul leat čielggaduvvon beanapárkka vejolaš ollašuhttin, sajádat ja golut.

Dál párkii heivvolamos báiki lea mánggadoaimmadálu lahka gieldda iežas eatnamis valástallangietti nuppi geažis (viessosajis 890-403-46-20). Gáregasnjárgga olbmui lea almmolaš neahttajearahallamiin diđoštallon báikki heiven beanapáarkii. 74 % vástideaddjiin (66 vástideaddji 10.8.2026) atná báikki heivvolažžan.

Beanapáarkii dárbbaslaš fierbmeáidi lea juo gielddas gárvvisin. Áidestoalppuid ja áiddi ceggema oppalašgolut leat eanemustá 8 000 €.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida, ahte Gáregasnjárgga beanapárka ráhkaduvvo gieldda oamastan eanaviidodahkii valástallangietti nuppi geahčái giddodahkii 890-403-46-20.

Lávdegoddi gávnna, ahte almmolaš neahttajearahallamii vástidan gieldalaččain 74 % lea atnán báikki beanapáarkii heivvolažžan.

Lávdegoddi mearrida, ahte beanapárkka huksemis ávkkástallo fierbmeáiddiin, mii gielddas lea juo. Áidestoalppuid háhkan sihke áiddi ceggen dahkkojuvvo ovdanbuktinteavsttas govviduvvon ordnemiiguin mearreruđaid olis. Gielddainšenevra fápmuduvvo fuolahit projeavtta ollašuhttimis ja dárbbaslaš geavatlaš ordnemiin.

Mearrádus

61**Ailigasjängäntie 122, Gáregasnjárga biokompostorviidodaga visttiid vuovdin**

Ovbilg 19.08.2026

68/10.00.00/2026

Válmmaštalli

Gielddainšenevra Kimmo Ankelo

Gáregasnjárgga boazokompostora doaibma lea nohkan. Báhcán infra berre vuovdigoahit, ee. spellehállaid, ja berre álggahuvvot birrasa ovddeš dillái máhcahanprojeakta ovttas Árktalaš Lappi birassuodjalusain (Arktisen Lapin ympäristönsuojelu).

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi fápmuda gielddainšenevrra kártet oastikandidáhtaid, bidjat hállaid vuovdimassii ja vuovdit hállaid gollobeaktilamos ollesčovdosa vuodul dasa, gii addá buoremus fálddaga.

Lassin lávdegoddi mearrida, ahte gielddainšenevra berre čielggadit birasáššiid ovddeš dillái máhcaheami goluid nu dárkket go vejolaš ja ovttasbarggus ee. Árktalaš Lappi birassuodjalaneiseválddiiguin.

Dán čielggadusa vuodul dahkko ollašuhhtinplána (oktan áigetávvaliin), mii buktejuvvo joatkkagiedahallamii lávdegoddái.

Mearrádus

62

Bázahusfuolahusrehkega eretgeassin luopmoviesus

Ovbillg 19.08.2026

152/02.06.01.06/2025

Áššehas bivdá bázahusrehkega eretgeassima luopmoviesus, dasgo luopmoviessu ii leat geavahasas.

Áššehassii lea sáddejuvvon rehket Ohcejoga gieldda bázahusmáksodávssa báikegotteolbmuid asttuáigge viesu /2 viesu dávssa mielde.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi gávnnaha, ahte máksu lea mearriduvvon fámusorru dávssa ja bázahusfuolahusmearrádusaid mielde.

Váidi ii leat ovdanbuktán dakkár ákkastallamiid, ahte mávssu mearrideapmi dávssas spiehkasteaddji vugiin livččii árttalaš.

Dán ja áššehasaid objektiiva meannudeami vuhtiiváldimiin váidaga galgá buot osiin ákkaheapmin hilgut.

Mearrádus

63

Gieldda eallinfámolašvuoda EAKR-projeaktaohcamuša válmmaštallan

Ovbilg 19.08.2026

69/14.01.00/2026

Válmmaštalli

Ovddidanhoavda Veli-Matti Ruotsalainen

Ohcejoga gielda válmmaštallá vejolaš Eurohpa guovloovddidanfoandda (EAKR) projeaktaohcamuša, man ulbmilin lea nannet Ohcejoga eallinfámu ja ealáhuseallima ođasmuvvama ovddideamiin fitnodagaid gilvonávcca, riikkaidgaskasašvuoda, rájáid rasttildeaddji ovtasbarggu sihke guovllu máhtolašvuoda- ja ovddidanfierpmádagaid. Vejolaš projeaktaohcamuša galgá guođđit 15.9.2026 Lappi Lihttui.

Álgosaččat jagiide 2027–2029 (sullii 30 mb) plánejuvvon projeakta laktása gieldastrategiija eallinfámu ovddideami deaddočuoggáide. Gieldastrategiija beaiváduvvo čakčat 2026. Gieldastrategiija hábme projektii strategalaš refereansaráma, muhto projeavtta ruhtadanvuloš sisdoallun leat fitnodat-, ealáhus- ja guovloovdáneami ovddideaddji doaibmabijut, mat meroštallojit sierra.

Projeakta čohkiidivččii njealje (4) bargopakeahtas, mat laktásit nubbi nubbái ja dorjot nubbi nuppi:

1. Fitnodagaid gilvonávcca, ovddidanmuttu ovdáneapmi ja daidda oktasaš báikkálašbrándda huksen.
2. Norga-oktasašbargu ja Ohcejohka poartan Suoma ja Norgga gaskkas.
3. Vásttolaš riikkaidgaskasaš turismma ealáhushutkama ja fitnodagaid ovddideapmi.
4. Oahppolágádus-, dutkamuš- ja ovddidanovttasbarggu nannen.

Projeavtta ulbmilat, konkrehtalaš doaibmabijut, boadus- ja buvttusindikáhtorat, ovtasbargoguoimmit sihke gollo- ja ruhtadanplána dárkkálmahttojit projeaktaohcamuša válmmaštallama oktavuodas. Gieldda iešruhtadanossodat čujuhuvvošii álgosaččat golmma bušeahhtajahkái 2027, 2028 ja 2029. Gieldda iešruhtadanossodat lea eanemustá 60 000 euro, mii juohkásivččii dán golmma jahkái.

Ovddidan- ja biraslávdegotti giedahallama manjá projeaktaválmmaštallanmearrádus ja gieldda iešruhtadeapmái čatnaseapmi dolvojuvvo gielddaráđđehussii mearridanláhkai 8.9.2026.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida dohkkehit ovdanbukton njeallje bargopakeahta Ohcejoga gieldda vejolaš EAKR-projeaktaohcamuša joatkkaválmmaštallama vuodđun.

Lávdegoddi fápmuda ovddidanhoavdda joatkit projeavtta válmmaštallama sihke dárkkálmahttit projeavtta ulbmiliid, doaibmajuid, ovttasbargoguimmiid, boadus- ja buvttusindikáhtoriid sihke gollo- ja ruhtadanplána ruhtadeaddji eavttuid ja projeavtta válmmaštallamis čađahanvuloš ráđđádallamiid vuodul.

Lávdegoddi evttoha gielddaráđđehussii, ahte gielddaráđđehus dohkkeha projeavtta ohcama ja čatnasa projeavtta ollašuhttimii dárbbaslaš Ohcejoga gieldda iešruhtadanossodahkii, mii lea eanemustá 60 000 euro ja čujuhuvvo projeavtta álgosaš ollašuhttináiggi mielde jagiide 2027–2029.

Lávdegoddi evttoha gielddaráđđehussii, ahte ovddidanhoavda fápmuduvvo hábmet loahpalaččat ja guođdit Ohcejoga gieldda beales projeaktaohcamuša Lappi lihttui 15.9.2026 nohkki EAKR-ohcamii.

Mearrádus

64

Cealkámuš turistavearroláhkaevttohusa birra

Ovbillg 19.08.2026

70/02.00.00/2026

Válmmaštalli

Ovddidanhoavda Veli-Matti Ruotsalainen

Ruhtaministeriija lea bivdán cealkámušaid hápmosis ráđđehusa evttohussan turistavearu guoski láhkaásaheapmin. Evttohusa ulbmilin lea addit gielddaide vejolašvuoda váldit geavahussii turistavearu turismma dagaheaddji goluid gokčamii.

Ohcejoga gielda oaidná, ahte turistavearu válmmaštallan lea prinsihpas bures ákkastallon, muhto ahte láhkaevttohusa galgá ovddidit erenomážit vearroboadu geavahanulbmila, hálldahuslaš geahppatvuoda, gilvoneutralitehta sihke turismaguovlluid sierrasárgosiid vuhtiiváldima oasil. Gieldda cealkámušhámus lea dán paragrafa čuovusin.

Hálldahusnjuolggadusa mielde gielddaráđdehus jođiha gieldda doaimma, hálldahusa ja ekonomiija. Ovddidan- ja biraslávdegoddi fas ovddasta gieldda ja geavaha gieldda hálldanvállddi doaibmasuorgásis gullevaš áššiin. Lávdegotti doaibmasuorgái gullet earet eará ealáhus- ja fitnodatbálvalusat sihke ealáhuspolitihkalaš ovdduidgohcin ovtta gielddaráđdehusain. Ovddidan- ja biraslávdegoddi gieđahallá ášši erenomážit gieldda eallinfámu, fitnodatdoaimma eavttuid ja Ohcejoga sierradiliid perspektiivvas.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida dohkkehit cealkámuša (čuovusin) hápmosis ráđđehusa evttohussan turistavearu birra ja geatnegahtta ahte cealkámuš doaimmahuvvo ruhtaministerijai Lausuntopalvelu.fi-bálvalusa bokte mearreáiggis.

Mearrádus

65

Cealkámuš gieldda vuodđobálvalusaid stáhtaossodaga guoski ráđđehusa láhkaevttohusa birra

Ovbillg 19.08.2026

71/02.00.00/2026

Válmmaštalli

Ovddidanhoavda Veli-Matti Ruotsalainen

Ruhtaministeriija bivdá cealkámušaid hápmosis ráđđehusa evttohussan, mainna rievdaduvvošii gieldda vuodđobálvalusaid stáhtaossodaga birra addojuvvon láhka.

Evttohushápmosa mielde jagis 2027 indeaksabajádus vuodđobálvalusaid stáhtaossodahkii ráddjejuvvošii 2,8 proseantaovttadagain oassin stáhtaekonomiija vuogáiduhhtindoaimmaid. Doaibmabidju geahpedivččii gielddaid stáhtaossodagaid oktiibuot 93 miljovna euroin jagi 2027 rájes. Geahpádus ollašuhttošii nu, ahte váikkuhus livččii buot gielddain ássi nammii euromeari mielde seamma stuoris.

Lassin jagi 2026 rájes bissovažžan mearriduvvon 75 miljovna euro stáhtaossodatgeahpádusa čuoziheapmi jotkojuvvošii dálá vuogi mielde nu, ahte geahpádus livččii prosentualalaččat seamma stuorra ossodat guđege gieldda vuodđobálvalusaid stáhtaossodagas. Geahpádus ii čuozihuvvoše gielddaide, maid vuodđobálvalusaid stáhtaossodat lea nolla euro dahje negatiivlaš.

Evttohusa váikkuhusat bohtet čielgasabbot ovdan smávva, hárvvet ássojuvvon ja stáhtaossodagain sorjavaš gielddain. Ohcejoga perspektiivvas stáhtaossodatnuppástusaid lea dárbu árvvoštallat oassin gieldaekonomiija oppalašdili sihke váldit vuhtii gieldda sierradiliid, nugo smávva veahkadatvuođu, guhkes gaskkaid, bálvalusaid stuorra giddes goluid ja gielalaš geatnegasvuođaid.

Hálddahunjuolggadusa mielde gielddaráđđehus jođiha gieldda doaimma, hálddahusa ja ekonomiija. Ovddidan- ja biraslávdegoddi fas ovddasta gieldda ja geavaha gieldda hállanválddi doaibmasuorgásis gullevaš áššiin. Lávdegotti doaibmasuorgái gullet earet eará ealáhus- ja fitnodatbálvalusat sihke ealáhuspolitihkalaš ovdduidgohcin ovtas gielddaráđđehusain. Ovddidan- ja biraslávdegoddi gieđahallá ášši erenomážit gieldda eallinfámu, fitnodatdoaimma eavttuid ja Ohcejoga sierradiliid perspektiivvas.

Áššemeannudeaddji

Ovddidanhoavda Ruotsalainen Veli-Matti

Mearrádusevttohus

Ovddidan- ja biraslávdegoddi mearrida dohkkehit čuvvosa mieldásaš cealkámuša evttohushápmosa birra gieldda vuodđobálvalusaid

stáhtaossodaga birra addojuvvon lága rievdadeamis ja geatnegahtta ahte cealkámuš doaimmahuvvo ruhtaministeriijai Lausuntopalvelu.fi-bálvalusa bokte mearreáiggis.

Mearrádus